



A Squadra Tempi vi prupone : Di a Corsica – Voltaire (1769)

Ci volse di l'oru è di u sangue per sottumette l'isula di Corsica à u putere di u rè di Francia

Hè riguardu à dà qualchì idea di 'ssa isula. Ci vole, benchì u terrenu ùn sia micca cusì ingratu, nè a pussedimentu tantu inutile ch'è omu lu dicia, postu chì tutti i so vicini anu sempre circatu a duminazione.

I cartaginesi si ne eranu impatruniti nanzu à e so guerre contru à i rumani. Corneliu Scipione ne fece a cunquista per a prima guerra punica ; i rumani ne firmonu à longu i maestri ; architetonu parecchie cità. I gots la togliinu à i rumani. L'arabi la cunquistonu dopu annantu à i gots.

Uni pochi di signori di a Roma nova ne caccighjonu i sarracini in tempu di u papa Pasquale II. I papi cumincionu da tandu à pretende ch'è ella ùn appartenia ch'è à elli di dà i riame in qualità di vicarii di Ghjesù Cristu, chì u so riame ùn era eppuru micca di 'ssu mondu. Si crede cumunamente ch'è Grigoriu VII fubbe u primu chì stabilisce a chimera di una munarchia santa è universale. ùn si pensa micca ch'è Eginhard ellu stessu, u sigritariu di Carulu Magnu, dice ch'è u papa Etienne diponì u rè di i Franchi Chilpéric, è dete u riame di i Franchi à u merre di u palazzu Pépin, babbu di Carulu Magnu. Pasquale II dete a Corsica à unu di 'ssi cunquistadore numinatu Bianco, è si ne riservò l'omagiù. L'isula firmò populata d'anziani cartaginesi d'arabi è di naturali di u paese. I pisani è i genuvesi si ne disputonu dopu a possessione. U papa Urbanu II la dete à i pisani da una bolla chì l'originale si trova, si dice, in Firenze. I genuvesi malgradu a bolla si stabiliscinu in una parte di l'isula à u dodicesimu seculu.

Un Alfons, rè d'Aragona, ne caccighjò mentre qualchì tempu i genuvesi, chì la caccighjonu à u so tornu in u 1354. I corsi tandu si fecenu di u so pienu gratu sughjetti di Genuva, perchè elli eranu assai poveri, è ch'è ella era assai ricca.

In u corsu di tutte 'sse rivoluzione, e cità architettate da l'anziani rumani casconu in ruvina, è i populi fubbenu tuffati in a barbaria è a miseria. Hè u ritrattu di guasi tutte e nazione cristiane dapoi l'invasione di i barbari, eccittuatu di Constantinopoli, è di e città d'Italia cum'è Roma, Venezia, Firenze, Milanu, è assai pocu d'altre chì cunsirvonu a pulizza è l'arti sbanditi dignalocu in altrò.

Era piuttosto à i corsi à cunquistà Pisa è Genuva ch'è à Genuva è à Pisa di sughjucà i corsi, chì 'ssi isulani eranu più robusti è più curaghjosi ch'è i so maestri ; ùn avianu nulla à perde ; una ripubblica di guerrieri poveri è feroci duvia vince faciulamente i marcanti di Liguria, da listessa raghjone ch'è l'uni, i gots, l'erules, i vandali, chì ùn avianu ch'è di u ferru, avianu sughjucatu e nazione chì pussedianu l'oru. Ma i corsi, essendu sempre statu disuniti è senza disciplina, spartuti in fazione murtalmente nimiche, fubbenu sempre sughjucati da a so falta.

Fubbe una trista cundizione per l'abitanti di un paese chì porta u titulu di Regnu d'esse sughjetti di una ripubblica chì ùn sapia micca s'è ella stessa ella era libera : chì non solu u protocollu di l'imperu hà sempre fighjulatu Genuva cum'è a so sughjetta ; ma, quandu Genuva si dete, in u 1409, à un simpliciu marchese di Montferrat, è dopu à un duca di Milanu ; quand'è ella si sottumettì à Carlu VII è à Carlu VIII ; quand'è ella fubbe sughjetta di Luigi XII, è ancu di sughjetti puniti per a so disubbidienza, si trovava ch'è i corsi eranu sughjetti di sughjetti, è innò menu umiliati ch'è elli stessi: ciò chì hè, siont'è a cundizione di schiavu, a più umiliante ch'è omu possi imaginà.

Quando i Genuvesi fubbenu veramente liberi in u 1528, grazia à i sbagli di Francescu u Primu è à u generosu curaghju di Francescu Doria, l'omu chì, in l'Europa muderna, hà u più illustratu u nome di citatinu, tandu i corsi fubbenu più schiavi ch'è mai ; u pesu di e so catene essendu diventatu insuppurtevole, a so svintura ranima u so curaghju. A famiglia d'Ornano, chì dapoi si rifughjò è lucicò in Francia, volse fà in Corsica ciò ch'è i Doria avianu fattu in Genuva, rende a libertà à a so patria, è 'ssa famiglia d'Ornano, era degna di unu s'è nobile prughjettu ; ùn ci riesce micca : u più maiò curaghju è e migliore misure anu bisognu di a fortuna. U rè di Francia Arrigu sicondu, chì succorria ghjà i corsi per sughjucà li forse, fubbe tumbatu in un turnei.

A famiglia d'Ornano, ùn avendu più l'arrembu di a corte di Francia, in precuretenu unu più priculosu dinù, quellu di l'ottumani. Ma la Sublimeghja Porta ricusò di mischià si i lite di dui picculi populi chì si disputavanu montagne vicinu à e coste d'Italia. I corsi firmonu sottomessi à i genuvesi ; più 'ssi isulani avianu vultutu scuzzulà a so coppia, più Genuva la casticava forte.

I corsi fubbenu à longu guvinate da una leghje chì si assumigliava à a leghje veimica o vestfaliana di Carulu Magnu, leghje da a quale u cummissariu dilegatu in l'isula cundannava à morte o à e galere, annantu à un'infurmazione sicreta, senza interrughjò l'accusatu, senza mette a minima furmalità in u so ghjudiziu. A sentenza era cuncipita in 'ssi termini in un rigistru sicretu : "Essendu infurmatu in a me cuscenza ch'è tali è tali sò culepevoli, eiu li cundannu à morte." Ùn ci era micca più di furmalità in l'esecuzione ch'è in a sentenza. Hè incuncipibilu ch'è Carulu Magnu aghji imaginatu una tale prucidura, chì hà duratu 500 anni in Vestfalia, è chì dopu hè statu imitata ind'è i corsi. 'Ssi isulani s'assassinavanu cuntinualmente l'uni l'altri, è u so ghjudice facia dopu assassinà i sopravviventu annantu à l'infurmazione di a so cuscenza : hè di i dui lati l'ultimu gradu di a barbaria. I corsi avianu bisognu d'esse pulizati, è si li sfracicava ; ci vulia addulscì li è si li rendia ancu più sbetichi. Un'odiu atrocu è indessolubile si mettò trà di elli è i so maestri, è fubbe una siconda natura. Ci fubbe dodici mosse ch'è i corsi chjamonu "sforzu di libertà", è i genuvesi "crimini d'altu tradimentu" . Dapoi l'annu 1725 ùn fubbenu ch'è sedizione, accidii di citatini corsi assassinati da i so cuncitatini. Si crede benchì, in una richiesta inviata à u rè di Francia da i capi corsi in u 1738, hè dettu ch'è ci fubbe vinti sei mille assassiniu sottu à u guvernu di i sedici ultimi cummissarii genuvesi, è dicessetti centu dapoi duie anni ? I querelanti aghjunghjanu ch'è i cummissarii di Genuva apprufitavanu à 'ssi crimini per raccoglie più di cunfiscazione è di penalità. L'accusa simbrava esagerata, ma ne risultava ch'è u guvernu era gattivu, è i populi più gattivi dinù. A Corsica custava à u senatu di Genuva assai più di tisoru è d'imbarazzu ch'è ella ùn valse ; si pudia di ch'è i corsi ciò ch'è Luigi XI dice da Genuva, quand'è ella volse dà si à ellu : la dete à u diavule.

Da l'annu 1729, a guerra era aperta cum'è trà duie nazioni rivali è irreconciliabili. Genuva implorò u succorsu di Carlu VI, in qualità di signore chì deve pruteghje i so vassalli ; à 'ssa raghjone cunghjunghjò u dineru, è l'imperatore mandò e truppe. Un principe di casa di *Virtemberg*, bravu guerriere è omu generosu, fece mette l'arme bassi à i corsi ; ellu favurizò un accordu trà elli è i genuvesi in u 1732 ; ma ùn fubbe ch'è una tregua prestu rotta da l'animosità di i dui partiti.

I corsi principiavanu à avè capi assai intelligenti, tali chì ellu si in forma sempre in e guerre civile, un Giafferi, un Ghjacintu Paoli, un Rivarola, è soprattutto un canonicu numinatu Orticoni, chì ebbe qualchì tempu a principale influenza ; ma 'ssi capi ùn pudianu dinù cambià in un guvernu regulare l'anarchia cusì forte chì tucava è spupulava 'ssa isula.

I corsi, ind'è quale l'assassiniu era tandu più cumunu ch'è ellu ùn la era statu à u XV seculu in u cuntinente di l'Italia, eranu dinù divoti ch'è l'altri taliani, è parecchi preti frà elli assassinavanu dicendu u so rusariu. I capi cunvuconu, in u 1735, un'assemblea generale, in a quale si dete a Corsica à a Vergine Maria, chì ùn parse micca accittà 'ssa curona. Si brusgiò e leghje genuvese, è omu aghjudicò pena di morte contru à chiunqua pruponeria di trattà incù Genuva. Ghjacintu Paoli è Giafferi fubbenu dichjarati generali.

Hà pena i corsi si fubbenu messi in ripubblica sottu à l'ordini di a Vergine, ch'è un avvinturiere di a bassa Germania vense fà si rè di Corsica senza cunsultà la : era un poveru barone di Vesfalia, numinatu Teodoru di Neuhoff, fratellu di a duchessa d'Orleanu. St'omu, avendu viaghjatu è avendu avutu qualchì intelligenza incù un mandatu da Tunisi, passò ancu in Africa, persuò u *Bei* ch'è ellu puderia sottumette li a Corsica s'è u *Bei* vulia dà solu un vascellu di deci cannone, quattru milla fucili, milla *sequins*, è qualchì pruvisione. A regenza di Tunisi fubbe abbastanza simplicità per dà la. Ghjunse à Livornu annantu à un battellu chì purtava una falsa bandera inglese, vindì u vascellu, è scrisse à i capi di i corsi ch'è s'è omu vulia sceglie lu ancu pidochju rè, prumetteria di caccighjà i genuvesi di l'isula incù u succorsu di e principale putenze d'Europa, chì era sicuru.

Ci vole ch'è ell'aghji i tempi induve a testa gira à a maiò parte l'omini. A so pruposta fubbe accittata. U barone Teodoru abburdò, u 15 di marzu di u 1736, à u portu d'Aleria vestutu à a turca, è pettinatu di un turbanu. Principiò da di ch'è ellu ghjunghjia incù i tisoni immensi, è per prova sparghì frà u populu una cinquantina di *sequins* in muneta di *billon*. I so fucili, a polvera, ch'è ellu distribuì, fubbenu e prove di a so putenza. Dete i scarpi di bonu coghju, magnificenza ignurata in Corsica. Ellu aposta di i currieri chì venianu da Livornu annantu à e barche, è chì li appurtavanu di pretesi pacchetti di e putenze d'Europa è d'Africa. Si lu prese per unu di i più maiò principi di a terra : fubbe elettu rè ; si fabricò une poche di munete di rama à u so angulu ; ebbe una corte è di i sigritarii di Statu. Ciò chì hè cresciutu per u più a so riputazione è u so putere, hè ch'è u senatu genuvese misse a so testa à prezzu. Ma à u capu di ottu mesi, i capi generali corsi avendu ricunnusciutu u persunaghju, è u pocu di dinaru ch'è ellu avia tantu stancu, partì per andà, dicia , circa i più putenti succorsi.

Rifughjatu in Amsterdam, unu di i so creidtores lu fece mette in prighjò. 'Ssa disgrazia ùn lu rispighjò puntu ; fece di novi inganni u fondu di a so prighjò ancu. S'assumigliava in quessa à un marchese Dammi di Conventiglio, chì, in listessu tempu, parcorria tutte e corse, fendu di l'oru per i principi è i signori chì ne avianu bisognu, è si facia mette in prighjò in tutte e capitali d'Europa. Eppure i genuvesi sullicitonu, in u 1737, i boni uffizii di a Francia. U cardinale di Fleury, chì avia pacificatu i disturbi di Geneva, volse dinù esse l'arbitru di a pace trà Genuva è a Corsica. Fece parte u conte di Boissieux, nipote di u marescialu di Villars, incù une poche di truppe di pacificazione. Fubbe quandu i scuntenti mandonu à u rè 'ssa supplica chì si hà ghjà parlatu, in a quale elli si lagnavanu di 1700 assassinii cummessi in dui anni in a so isula : ciò chì ùn era micca un'apologia per u so partitu. 'Ssa richiesta era d'altronde ricumandata da un'eluquenza agreste chì la carrieghja annantu à l'arte oratoriu è da i sentimenti di libertà s'è pocu cunnosciuti per i corsi : " S'è i vostri ordine suvrani, dicianu , obligheghjanu à sottumette ci à Genuva, aiò, beimu à a salute di u rè assai-cristianu 'ssu caliciu amaru, è muremu."

Si indirizzò à Versailles, à nome di l'imperatore è di u rè, un pianu chì fubbe firmatu di u ministru di u rè è di u principe di Lichtenstein, ambasciadore di l'imperatore. E cunvinzioni ne parianu equitativi. S'abulia soprattuttu 'ssu drittu ch'è i cummissarii di a ripubblica genuvese s'eranu arrugati

di cundannà à a potenza o à e galera annantu à u simpliciu tistimunianza di a so cuscenza ; ma si disarmava, da un articulu, tutti l'abitanti di a Corsica. ùn volsenu puntu di u tuttu esse disarmati, è risolvinu di more piuttosto ch'è di beie à a salute di u rè assai cristianu. U rè Teodoru li prumittia sempre, di a so prighjò d'Amsterdam, ch'è ellu vineria liberà li prestu di e catene di Genuva è di l'arbitratu di a Francia. Difatti trovò u sicretu d'ingannà i ghjudei è di i negozianti stranieri stabiliti in Amsterdam, cum'è ellu avia ingannatu Tunisi è a Corsica è ellu i ingaghjò non solu à pagà e so debiti, ma à incaricà un vascellu d'arme, di polvera, di munizione di guerra, incù assai robe, persuadendu li ch'è elli ferianu soli tuttu u cummerciu di a Corsica è fendu li cunsiderà prufitti immensi. L'interessu li cacciò a raghjone, ma Teodoru ùn era micca menu pazzu ch'è elli : s'imaginava ch'è sbarchendu in Corsica incù l'arme, è parendu incù qualchì dineru, tuttu l'isula s'accanteria incontinentu sottu à e so bandere, malgradu i francesi è i genuvesi. ùn pote abburdà : si salvò à Livornu, è i so creditori d'Olanda fubbenu arruvinati.

Si rifughjò prestu in Inghilterra ; fubbe messu in prighjò per e so debiti à Londra, cum'è l'era statu à Amsterdam. Ci firmò insin'à l'iniziu di l'annu 1756. U Sgiò Walpole ebbe a generosità di fà per ellu una sottoscrizione per a quale ellu appaciò i creditori, è liberò di prighjò 'ssu pretesu munarcu, chì morse assai miseru u 2 di dicembre di listessu annu. S'incidì annantu à a so cappella ch'è " a fortuna li avia datu un riamu è ricasatu u pane" .
À tempi antichi ch'è 'ssu Teodoru avia fattu u so sicondu tentativu per rignà annantu à i corsi, l'insulari fecenu bè vede ch'è elli ùn avianu micca bisognu d'ellu per difende si. Avianu prumissu à Boisseieux di arricà li e so arme ; ellu li appurtonu difatti u 12 di dicembre di u 1738, ma fubbe per surprinde un postu di quattru centu francesi, chì ùn pote resiste. Boissieux vense à u so succorsu : fubbe rispintu è cunduce à fucilate insin'à in Bastia. I corsi chjamonu 'ssa ghjurnata e *Vesperi corsiche* i, sippuri ùn fubbe ch'è una debule imitazione di e *vesperi siciliani*. Qualchì tempu dopu partì una flotta carca di nuvelli sbattagliavamu, ch'è u cardinale di Fleury inviava per pacificà a Corsica da a via di l'arme. A flotta fubbe spergugliata da un'orrenda timpesta : dui vascelli fubbenu sciappati annantu à a costa ; quattru centu suldati, incù i so ufficiali scappati à u naufraghju, casconu trà e mane di quelli ch'è elli venianu assughjittà, è ritruvonu tuttu nudi. A disgrazie spiccìò a so morte, chì a so debule cumplessione lu minacciava da longu. Omu ùn hà pocu è micca fattu di spedizione più infelice.

Infine si fece parte u marchese di Maillebois, ufficiale di una grande riputazione, è chì fubbe prestu dopu u marescialu di Francia. Questu, accostumatu à e spedizione pronte, dumò i corsi in trè simane in l'annu 1739.
Ghjà, si principiava à mette in l'isula una pulizza ch'è ùn ci avia puntu dinù vista quandu a fatale guerra di u 1741 tucò a mità di l'Europa. U cardinale di Fleury, chì intraprendì malgradu ellu, è chì u so caratteru era di crede sustene grande cose da picculi mezi, misse l'economia in 'ssa guerra impurtante. Ritirò tutte e truppe chì eranu in Corsica. Genuva, luntanu da pudè sughjucà l'isula, fubbe ancu acciaccata da l'austriachi, ridutta à una spezia di schiavitù, è più infelice ch'è a Corsica perchè ella cascava di più altu.

Quando invece l'Europa era cuntristata per a successione di i Stati di a casa d'Austria, è per tantu d'interessi diversi chì si mischionu à l'interessu principale, i corsi si assudonu in l'amore di a libertà, è in l'odiu per i so più anziani maestri. Genuva pussedia sempre Bastia, a capitale di l'isula, è une poche di altre piazze ; i corsi avianu tuttu u restu : gudinu di a so libertà o piuttosto di a so licenzia, sottu à u cummandu di Giafferi, elettu da elli generale, omu celebru da u valore , è ancu da e virtù di citatinu. Fubbe assassinatu in u 1753. Ùn si mancò micca d'accusà u senatu di Genuva, chì ùn

avia podarse inlocu à 'ssu accidiu.
A discordia tandu dividia tutti i corsi. E numicizie trà e famiglie si tarminavanu sempre da l'assassinii ; ma si riunia contru à i genuvesi, è l'odii particolari cedianu à l'odiu generale. I corsi avianu più ch'è mai bisognu di un capu chì sappe dirighje u so furore, è fà la serve à u bè publicu.

U vechju Ghjacintu Paoli, chì l'avìa cummandati in tempi di una volta, è chì era tandu ritiratu à Napuli, li mandò u so figliolu Pasquale Paoli in u 1755. Da ch'è ellu partu, fubbe ricunnusciutu per cummandante generale di tutta l'isula, sippuri ellu ùn ebbe ch'è 29 anni. ùn pretendì micca u titulu di rè cum'è Teodoru ; ma u fubbe difatti à parechji risguardi, mittendu si à a testa di un governu demucraticu.

Qualchì cosa ch'è omu aghji dettu d'ellu ellu ùn hè micca pussibile ch'è 'ssu capu ùn ebbe grande qualità. Stabilisce un governu regolare ind'è un populu chì ùn ne vulia puntu, riunisce sottu à listesse leghje di l'omini divisi è indisciplinati, furmà à tempu e truppe arrigulate, è istituisce una spezia d'università chì pudia addolcì l'usi, stabilisce i tribunali di ghjustizia, mette un frenu à u furore di l'assassinii è di l'accidii, pulizà a barbaria, fà amà si fendu ubbidisce si, tutta quessa ùn era micca di sicuru di un omu ordinariu. ùn pote fà in abbastanza, nè per rende a Corsica libera, nè per rignà ci pienamente ; ma ne fece abbastanza per acquistà a gloria.

Duie putenze assai sfarente l'una da l'altra entrinu in i tribuli di Genuva è di a Corsica : una era a corte di Roma è l'altra quella di Francia. I papi avianu pretesu in tempi di una volta a suvrantà di l'isula, è ùn la sminticava micca à Roma. I veschi corsi avendu pigliatu u partitu di u senatu genuvese, è trè di 'ssi veschi avendu chittatu a so patria, u papa mandò un visitadore generale chì allarmò assai u senatu di Genuva. Uni pochi di senatori timinu ch'è Roma approfittò di 'ssi rivugli per fà ricampà: vive e so anziane pretensione annantu à un paese ch'è Genuva ùn pudia più cunsirvà ; 'ssa tema era dinù vana ch'è i sforzi di i Genuvesi per sughjucà i corsi. U papa chì mandava 'ssu visitadore era Rezzonico, chì dapoi scuppiò contru à u duca di Parma : ùn era micca un omu à cunquistà i riami ; u senatu di Genuva ordinò ch'è omu impede u visitadore di Genuva d'abburdà in Corsica. ùn ci ghjunse micca menu di veranu di 1760. U generale Paoli l'arringò per si fà ne un prutettore : fece brusgià sottu à a forca u dicretu di u senatu ; ma firmò sempre u maestru. U visitadore ùn pote ch'è dà e benedizioni, è fà i regolamenti ecclesiastichi per i preti chì ùn ne avianu ch'è u nome, è chì andavanu qualchì volta, à esce lu a messa, assassinà i so camarati. U ministeru di Francia, più agendu è più potente ch'è quello di Roma, fubbe prigatu d'assiste dinù Genuva di i so boni sbattagliavamu in Corsica in l'annu 1764, ma innò micca per agisce ostilamente. 'Sse truppe ùn eranu incaricate ch'è di custudisce e piazze chì i genuvesi eranu dinù in pussedimentu. Vensinu cum'è mediatrici. Fubbe dettu ch'è elle si firmerianu quattru anni, è in parte à spese di u senatu per une poche di furniture.

U senatu spirava ch'è a Francia essendu si incaricata di custudisce e so piazze, puderia incù e so propie truppe bastà à rivince u restu di l'isula ; s'ingannò : Paoli avia disciplinatu suldati, ridoppiendu in u populu l'amore di a libertà. Avia un fratellu chì passava per un bravu, è chì battì à spessu i mercenarii di Genuva. 'Ssa ripublica perse mentre 4 anni e so truppe è u so dinaru, quandu invece Paoli aumintava ogni ghjornu e so forze è a so riputazione. L'Europa lu fighjulava cum'è u legislatore è u vindicatore di a so patria. E 4 anni di u sughjornu di i francesi essendu passatu, u senatu di Genuva cunnoscì infine ch'è ellu si consumava vanamente in un'impresa arruvinosa, è ch'è li era impussibile di sughjucà i corsi.

Tandu, cedi tutti i so dritti annantu à a Corsica à a Curona di Francia ; u trattatu fubbe firmatu, à u mese da lugliu di u 1768, in Compiègne. Da 'ssu trattatu u Regnu di Corsica ùn era micca assolutamente datu à u rè di Francia, ma era suppostu appartene li , incù a pussibilità riservata à a repubblica di rientrà in 'ssa suvranità rimbursendu à u rè i freschi immensi ch'è ellu avia fatti à favore di a repubblica. Era difatti cede per u sempre a Corsica, chì ùn era micca possibile ch'è i genuvesi fubbenu in statu di ricumprà 'ssu riame, è era ancu menu prubabile ch'è, avendu la ricumpratu, elli pobbenu cunsirvà lu di pettu à tutta una nazione chì avia fattu u ghjumentu di more piuttosto ch'è di vive sottu à u coppia di Genuva.

Cusì, dunque, cidendu a vana è fatala suvranità di un paese chì li era à carica, Genuva facia difatti unu à bon pattu, è u rè era abbastanza putente per fà s'ubbidisce in a Corsica, per a pulizà, per pupulà la, per arricchisce la, fendu ne fiurisce l'agricultura è u cumerciu. Di più, pudia vene un tempu induve a pussedimentu di a Corsica seria un grande avantaghju in l'interessi ch'è omu avaria à occupà si in Italia. Firmava à sapè s'è l'omini anu u drittu di vende altri omini ; ma hè una quistione ch'è ùn si esaminerà mai in alcunu trattatu.

Si principiò da neguzià incù u generale Paoli. Avia à fà à u ministru di a pulitica è di a guerra ; sapia ch'è u core di 'ssu ministru era sopra di tuttu, ch'è era u più omu generosu di l'Europa, ch'è ellu si cunducia incù una nublità eroica in tutti i so interessi particolari, è ch'è ellu agisceria incù listessa grandezza d'anima in l'interessi di u rè, u so maestru. Paoli pudia aspittà si à l'onori è à e ricumpense, ma era incaricatu di u ghjacimentu di a libertà di a so patria. Avia davanti l'ochji u ghjudiziu di e nazione : chì ch'è fubbe a so idea, ùn vulia micca vende a soia ; è quandu l'avaria vulsutu, ellu ùn l'avaria micca pussutu. I corsi eranu agguantati di unu troppu viulente entusiasmu per a libertà, è ellu stessu avia ridoppiatu in elli 'ssa passione cusì naturale, diventata à tempu un duvere sacru è una spezia di furore. Si ellu avia tentatu solu di a muderà, avaria risicatu a so vita è a so gloria.

'Ssa gloria ùn era micca ind'è ellu quella di cumbatte : era più legislatore ch'è guerriere ; u so curaghju risidia in u spiritu ; dirighjia tutte l'operazione militareschi. Infine ellu ebbe l'onore di resiste à un rè di Francia vicinu à un'annu. Nissuna putenza straniera ùn lu succorri. Uni pochi di inglesi solu, amurosi di 'ssa libertà chì ne era u difendidore è chì avia da esse a vittima, li invionu dinaru è di l'arme : chì i corsi eranu male armati ; ùn avianu puntu di fucili à baiunetta ; ancu quandu li ne fece tene da Londra, a maiò parte i corsi ùn potinu si serve ne, priferiscinu e so cispres ordinarie è i so cultelli ; a so arma principale era u curaghju. 'Ssu curaghju fubbe cusì grande ch'è in unu di i cumbattimenti, vers'un fiume numinatu u Golu, si fecenu un rampale di i so morti per avè u tempu d'incaricà daretu elli prima di fà una ritirata necessaria ; i so feriti si sò messi frà i morti per raffurzà u rampale. Si trova dignalocu u valore, ma omu ùn vede tale azione ch'è ind'è i populi liberi. Malgradu tantu di valori fubbenu vinti. U conte di Vaux, sicundatu di u marchese di Marbeuf, sottumessu l'isula in menu di tempu ch'è u marescialu di Maillebois ùn l'avia dumata.

U duca di Choiseul, chì dirighjì tutta 'ssa intrapresa, ebbe a gloria di dà à u rè u so maestru una pruvincia chì pò faciule, s'è ella hè bè cultivata, nutrisce dui centu milla omini, furnisce di bravi suldati, è fà un ghjornu un cumerciu utule . Omu pò ossirvà ch'è s'è a Francia s'ingrandò, sottu à Luigi XIV, di l'Alsazia, di a Franche-Comté, è di una parte di a Flandra, fubbe aumintata sottu à Luigi XV, di a Lorena è di a Corsica. Ciò chì ùn hè micca menu degnu di rimarca, hè ch'è, da e cure di listessu ministru, e pussedimenti di a Francia in America acquistonu un gradu di forza è di prusperità chì vale novi acquisti. 'Ssi avantaghji fubbenu duvuti à a scelta ch'è omu fece u conte d'Ennery per amministrà

successivamente tutt'e nostre culonie. Si trovava ufficiale generale assai ghjovanu, à a pace di u 1762, è un era cunnisciutu mentre da i so talenti per a guerra. U duca di Choiseul hà vistu in ellu l'omu di Statu. Difatti u conte d'Ennery, mentre sei anni à u governu un cissò di mustrà tutte e luce è e virtù chì ponu fà amà è rispittà l'auturità. "Tuttu u mondu lu teme, è ellu, hà dinù fattu di male à nimu" si scriveva di a Martinique. Dignalocu fece rignà a ghjustizia, è ispirò l'amore di a gloria ; dapertuttu animava u cummerciu è l'industria. Pervininu à intrattene a cuncordia trà tutti i stati, ciò chì hè una cosa bella rara. Ellu addulcì a trista sorte di i schiavi. Fece decippà l'isula di Sainte-Lucie, è da quà criò una culonia nova.

In altre parte, scavendu di i canali ellu appurò l'aria, fecundò a terra, fece nasce nove ricchezze ; è à listessu tempu ellu pruedia à a sicurezza è à l'imbellsiciamentu di e so pussessi. Qualchì tempu dopu esse statu richjamatu in Francia da u gattivu statu di a so salute, si vutò à novi sacrificizii, piuttosto sullicitati ch'è esigiti da una ghjovanu munarcu chì li scrisse di a so propria manu "A vostra riputazione sola mi serverà assai à Saint-Domingue"

U conte d'Ennery avia miritatu una cunfidenza s'è onorevule rindendu à u rè unu di i più impurtanti sirvizii, quellu di fissà, incù i spagnoli, i cunfini di e duie nazioni. St'amministratore, chì facia tantu d'onore à a Francia, un pote resiste à e funeste influenze di 'ssu clima brusgendu. A so perdita fubbe una calamità publica per tutte i nostri culonie, chì si spiccionu di allivà li i munimenti, è chì un pronuncianu u so nome ch'è incù tenneramentu è incù ammirazione.

L'inglesi, chì avia acquaia a stima, è chì lu avianu à spessu pigliatu per arbitru trà e nostre culonie è, avianu cunsacratu u nome di u conte d'Ennery da u più ghjustu è u più lodatore di tutti i lodi : " St'omu un ferà nè un soffrerà mai d'inghjustizia. " A ricumpensa ch'è ricivì u duca di Choiseul per tantu di cose cusì grande è cusì utuli ch'è ellu hà fattu fatte paria bellu stranu s'è omu un cunniscia i corsi di e cose. Una donna lu fece esilià, li è u so cucinu u duca di Praslin, dopu i sirvizii ch'è elli avianu resi à u Statu, è dopu chì u duca di Choiseul ebbe cunchjude u matrimoniu di u delfinu, figliulinu di Luigi XV, dapoi rè di Francia, incù a figliola di l'imperatrice Marie-Thérèse. Era un grande esempiu di i vicendi di a fortuna, ch'è 'ssu ministru fubbe riesciutu à 'ssu matrimoniu pò d'anni dopu chì u marescialu di Belle-Isle avutu armatu una grande parte di l'Europa per ditrunizà a listessa imperatrice, è ch'è ellu un fubbe riesciutu ch'è à fà si piglià prigionere. Era un'altra vicenda, ma innò micca surprindente, ch'è u duca di Choiseul fubbe esiliatu. Avemu ghjà postu chì Luigi XV avia l'abitudine di troppu fighjulà i so servi cum'è strumenti ch'è ellu pudia sciappà à u so gratu. L'esiliu hè una punizione, è ch'è un ci hè ch'è a leghje chì deve punisce. Hè soprattuttu unu assai grande svintura per un suvrano di punisce l'omini chì e so falte un sò micca cunniscute, chì i so sirvizii lu sò, è chì anu per elli a voce publica, ch'è un anu micca sempre i so maestri.